

CABINET

Cofnodion cyfarfod o'r Cabinet a gynhaliwyd yn Siambr y Cyngor, Neuadd y Sir, Rhuthun, Dydd Mawrth, 22 Hydref 2019 am 10.00 am.

YN BRESENNOL

Y Cynghorwyr Hugh Evans, Arweinydd ac Aelod Arweiniol yr Economi a Llywodraethu Corfforaethol; Bobby Feeley, Aelod Arweiniol Lles ac Annibyniaeth; Huw Hilditch-Roberts, Aelod Arweiniol Addysg, Gwasanaethau Plant ac Ymgysylltu â'r Cyhoedd; Brian Jones, Aelod Arweiniol Gwastraff, Cludiant a'r Amgylchedd; Richard Mainon, Aelod Arweiniol Gwasanaethau Corfforaethol a Chyfeiriad Strategol; Tony Thomas, Aelod Arweiniol Tai a Chymunedau; Julian Thompson-Hill, Aelod Arweiniol Cyllid, Perfformiad ac Asedau Strategol; a Mark Young, Aelod Arweiniol Cynllunio, Gwarchod y Cyhoedd a Chymunedau Mwy Diogel.

Arsylwyr: Y Cynghorwyr Meirick Davies, Alan James, Rhys Thomas, Graham Timms, Huw Williams ac Emrys Wynne

HEFYD YN BRESENNOL

Prif Weithredwr (JG); Cyfarwyddwr Corfforaethol: Economi a'r Parth Cyhoeddus (GB) a Chymunedau (NS); Pennaeth Gwasanaeth: Y Gyfraith, AD a Gwasanaethau Democrataidd (GW) Swyddog Arweiniol Rheoli Asedau Strategol (TB); Rheolwr Prisiadau ac Ystadau (GT) Prif Gyfrifydd a Swyddog A.151 (SG); Rheolwr Gyfarwyddwr Hamdden Sir Ddinbych Cyf (JG) a Gweinyddwr Pwyllgorau (KEJ)

1 YMDDIHEURIADAU

Ni chafwyd unrhyw ymddiheuriadau.

2 DATGAN CYSYLLTIAD

Ni chafodd unrhyw gysylltiad ei ddatgan.

3 MATERION BRYD

Ni chodwyd unrhyw faterion brys.

4 COFNODION

Cyflwynwyd cofnodion cyfarfod y Cabinet a gynhaliwyd ar 24 Medi 2019 i'w cymeradwyo.

***PENDERFYNWYD** y dylid derbyn a chymeradwyo cofnodion y cyfarfod a gynhaliwyd ar 24 Medi 2019 fel cofnod cywir.*

5 ADRODDIAD CYLLID

Cyflwynodd y Cynghorydd Julian Thompson-Hill yr adroddiad yn rhoi manylion ynglŷn â'r sefyllfa ariannol ddiweddaraf a'r cynnydd a wnaed o ran y strategaeth y cytunwyd arni ar gyfer y gyllideb. Rhoddodd grynodedb o sefyllfa ariannol y Cyngor fel a ganlyn -

- y gyllideb refeniw net ar gyfer 2019/20 oedd £198.538 miliwn (£194.418m yn 2018/19)
- roedd amcanestyniad o orwariant o £1.733 miliwn ar gyllidebau gwasanaethau a chorfforaethol
- nodwyd fod angen arbedion ac arbedion effeithlonrwydd gwerth £5.672 miliwn, gan gynnwys arbedion corfforaethol a nodwyd yn 2018/19 (£0.5 miliwn), arbedion ysgolion gwerth 2% (£1.32 miliwn) ac arbedion yn y gwasanaethau (£3.852 miliwn).
- Tynnwyd sylw at y risgiau a'r amrywiadau sy'n ymwneud â meysydd gwasanaeth unigol gan gynnwys newidiadau yn dilyn ailstrwythuro'r Uwch Dîm Arweinyddiaeth ac effaith ar y gyllideb yn dilyn trosglwyddo Cludiant Ysgol o'r Gwasanaethau Priffyrdd ac Amgylcheddol i Gynllunio a Gwarchod y Cyhoedd, a
- rhoddwyd diweddariad cyffredinol ar y Cynllun Cyfalaf, y Cyfrif Refeniw Tai a'r Cynllun Cyfalaf Tai

Gofynnwyd i'r Cabinet gymeradwyo trosglwyddo cyllid arian parod o'r Gronfa Wrth Gefn i Gyflawni Arbedion i'r Gwasanaethau Hamdden i'w osod yn erbyn yr angen i ddyrannu i'r arbedion Benthycy Darbodus i'r SC2 yn hytrach nag oedi cyn sefydlu'r Model Darparu Amgen (ADM).

O ran cefndir eglurodd y Cynghorydd Thompson-Hill bod yr achos busnes gwreiddiol ar gyfer SC2 wedi'i briodoli ar gymhorthdal sy'n gostwng nes y cyrhaeddir pwynt o adennill costau ym mlwyddyn 5. Dangoswyd colled yn y gyllideb o £378mil yn y flwyddyn gyntaf gyda nifer o ddewisiadau wedi'u nodi i leihau'r golled gan gynnwys oedi Benthycy Darbodus – gwnaed y penderfyniad o ystyried ei fod yn fusnes newydd ac mae'n debyg y byddai amrywiadau. Ond yn dilyn adolygiad arbedion roedd yn amlwg na fyddai'r cyfanswm arbediad o £850mil yn ymwneud â'r cynnig ADM yn cael ei gyflawni'n llawn ac fel Cyngor penderfynwyd y dylid defnyddio'r dull o oedi'r Benthycy Darbodus i alluogi cyflawni'r arbediad ADM o £850mil fel rhan o broses y gyllideb yn 2019/20, gan leihau'r angen ar gyfer toriadau i wasanaethau eraill. O ganlyniad cynigiwyd bod £612mil yn cael ei ddefnyddio o'r gronfa wrth gefn a sefydlwyd ar gyfer arbedion nas cyflawnir i ddiwallu diffyg cyllid blwyddyn 1 SC2. Er mwyn darparu rhywfaint o sicrwydd yn y dyfodol ar gyfer SC2 roedd y gwasanaeth wedi pwysleisio na fyddai'r sefyllfa yn digwydd eto yn y flwyddyn ariannol nesaf o ystyried y mesurau a roddwyd ar waith.

Cydnabu'r Cabinet eu bod fel Cyngor wedi cael gwybod am y risgiau ariannol a'r amrywiadau posibl ar ddechrau cynllun SC2 ac wedi cynllunio mesurau lliniaru er mwyn mynd i'r afael â nhw. Canmolodd y Cabinet y cyfleuster a oedd yn darparu atyniad cyffrous ac unigryw a chydabod y buddion ehangach i'r economi ac i fusnesau lleol eraill. Yn ystod y drafodaeth ceisiwyd rhagor o eglurder ynglŷn â'r rhesymau dros y cynnydd yn y golled gyllidebol ar gyfer y flwyddyn gyntaf ynghyd â sicrwydd o ran ffigyrau masnachu ariannol y blynnyddoedd sydd i ddod a sicrhau llwyddiant hir dymor parhaus y cyfleuster.

Ymatebodd y Cynghorydd Thompson-Hill i'r materion a godwyd fel a ganlyn-

- yn seiliedig ar y ffigyrau presennol a'r achos busnes diwygiedig roedd hyder y byddai SC2 yn niwtral o ran costau erbyn blwyddyn 5 – fel atyniad roedd y cyfleuster eisoes yn llwyddiant: roedd niferoedd yr ymwelwyr yn uchel ac fe groesawyd y cyfleuster gyda'r pwll yn gweithredu bron yn llawn yn ystod y rhan fwyaf o'r cyfnod masnachu.
- roedd cyfuniad o ffactorau wedi cyfrannu at y diffyg cyllid gan gynnwys (1) colli cyfnod masnachu'r Pasg ar gyfer y Pad Sblasio y tu allan a'r incwm cysylltiedig a ragwelwyd (2) nad oedd Laser TAG wedi denu'r niferoedd a ragwelwyd ond o ganlyniad i farchnata rhagwelir twf yn y dyfodol a (3) gwariant eilaidd ymwelwyr (bwyd/diod ac ati) heb gynhyrchu cymaint o incwm a ragwelwyd a disgwylir y bydd yn cynyddu drwy farchnata ychwanegol.
- gwnaed arbedion o symleiddio'r strwythur staffio a gellir cymryd sicrwydd pellach y byddai'r cyfleuster yn elwa o flwyddyn lawn o effaith arbedion effeithlonrwydd staff a gweithrediad y Pad Sblasio ym mlwyddyn 2, a chynnydd mewn twf gydag incwm wedi'i dargedu o Laser TAG a gwariant eilaidd; byddai arbedion TAW ychwanegol ar gyfer y cwmni ac fe ddylent, gyda'i gilydd, ddiwallu'r diffyg a gynlluniwyd ar gyfer yr ail flwyddyn
- o ran 2021, byddai arbedion y Cyngor yn deillio o pan fo'r ADM yn dechrau masnachu a derbynir y gallai elw busnes hamdden amrywio, fel y gallent pe bai'r gwasanaethau hamdden yn parhau i fod yn fewnol, a phe bai pwysau'n codi byddai angen mynd i'r afael â nhw
- cadarnhawyd y byddai'r Grŵp Buddsoddi Strategol yn adolygu'r achos busnes ar gyfer SC2 ar ddechrau'r flwyddyn newydd

Wrth ymateb i gwestiynau gan rai nad oeddent yn aelodau Cabinet, bu i'r Cynghorydd Thompson-Hill-

- gyfeirio at yr amrywiaeth o ddewisiadau a nodwyd i liniaru diffyg yn y sefyllfa fasnachu yn SC2 ym mlwyddyn 1. Dim ond unwaith y gellir defnyddio'r dull o oedi costau Benthycia Darbodus a gwnaed y penderfyniad i'w ddefnyddio er mwyn galluogi'r arbediad ADM o £850,000 fel rhan o gyllideb 2019/20 a lliniaru toriadau cyllidebol i wasanaethau eraill yn hytrach na'i roi o'r neilltu ar gyfer unrhyw golledion posibl yn SC2, yr argymhelliad oedd trosglwyddo arian parod o'r Gronfa Wrth Gefn ar gyfer Cyflawni Arbedion at y diben hwnnw
- o ran effeithlonrwydd staff, roedd yr achos busnes wedi awgrymu strwythur staffio ar gyfer niferoedd a swyddogaethau gofynnol, wrth i'r sefyllfa ddatblygu gosododd y tîm rheoli'r strwythur staffio mwyaf effeithlon ar waith i weithredu'r gwasanaeth ar y gost economaidd gorau gan arwain at arbedion.
Ychwanegodd Rheolwr Gyfarwyddwr Hamdden Sir Ddinbych bod rhywfaint o staff tymhorol yn cael eu cyflogi oherwydd bod gan y cyfleuster dueddiadau tymhorol. Fodd bynnag roedd staff ar gontract yn cael eu cyflogi ac yn cael eu hadleoli i safleoedd eraill pan nad oeddent yn gweithio yn SC2 yn hytrach na defnyddio staff achlysurol oherwydd roedd yn well buddsoddi yn y staff sydd wedi'u cyflogi yn hytrach na phenodi staff newydd ym mhob tymor. Collwyd rhai aelodau o staff oherwydd yr ystod o staff a benodwyd am resymau amrywiol - ond roedd yr oriau gweithredu presennol yn ystod y tymor yn unol â'r achos busnes.

Cyfeiriodd y Cynghorydd Meirick Davies at yr adeilad newydd ar gyfer Ysgol Llanfair a gofyn a oedd unrhyw gam gweithredu i adennill y costau gyda'r newidiadau i'r system i ddraenio dŵr budr o ganlyniad i'r cyngor a gafwyd gan Ddŵr Cymru. Eglurodd y Cynghorwyr Julian Thompson-Hill a Huw Hilditch—Roberts bod Dŵr Cymru wedi egluro mai dangosol oedd y cynlluniau ac felly byddai'n annhebygol y gallai'r Cyngor adennill unrhyw gostau ychwanegol o ganlyniad i hynny. Eglurodd yr Arweinydd mai'r flaenoriaeth oedd cwblhau'r gwaith ac yna ailymweld â'r mater a chymryd cyngor cyfreithiol.

PENDERFYNWYD bod y Cabinet yn –

- (a) *nodir cyllidebau a bennwyd ar gyfer 2019/20 a'r cynnydd yn erbyn y strategaeth y cytunwyd arni ar gyfer y gyllideb, a*
- (b) *chymeradwyo trosglwyddo cyllid arian parod o'r Gronfa Wrth Gefn i Gyflawni Arbedion i'r Gwasanaethau Hamdden i'w osod yn erbyn yr angen i ddyrannu i'r arbedion Benthycia Darbodus i'r SC2 yn hytrach nag oedi cyn sefydlu'r Model Darparu Amgen.*

6 RHAGLEN GWAITH I'R DYFODOL Y CABINET

Cyflwynwyd Rhaglen Gwaith i'r Dyfodol y Cabinet i'w hystyried a nododd yr aelodau'r ychwanegiadau canlynol -

- Rhaglen Ysgolion yr 21ain Ganrif:
Cynigion Band B- Tachwedd
- Ardal Gwella Busnes (BID) Llangollen – Ionawr

PENDERFYNWYD nodi Rhaglen Gwaith i'r Dyfodol y Cabinet.

Gwahardd y wasg a'r cyhoedd

PENDERFYNWYD gwahardd y Wasg a'r Cyhoedd o'r cyfarfod ar gyfer yr eitemau busnes canlynol, dan ddarpariaethau Adran 100(a) o Ddeddf Llywodraeth Leol 1972, ar y sail y byddai gwybodaeth eithriedig yn debygol o gael ei datgelu fel y'i diffinnir ym Mharagraff 14, Rhan 4, Atodlen 12A o'r Ddeddf.

7 CASTELL BODELWYDDAN

Cyflwynodd y Cynghorydd Julian Thompson-Hill yr adroddiad cyfrinachol yn ceisio adolygiad y Cabinet o delerau gwerthiant yr eiddo.

Eglurwyd a thrafodwyd manylion y telerau arfaethedig ar gyfer gwerthu rhydd-ddaliad Gwesty Castell Bodelwyddan a rhan o'r ystâd ynghyd â chadw'r ardaloedd eraill ar gyfer mynediad cyhoeddus. Tynnwyd sylw at y gwahaniaethau i'r adroddiad blaenorol a gyflwynwyd i'r Cabinet ym mis Medi 2018 ac eglurwyd a chadarnhawyd bod y derbyniad cyfalaf i'r Cyngor yn parhau i fod yr un fath. Darparwyd diweddariad ynglŷn â'r trafodaethau gydag Ymddiriedolaeth Castell Bodelwyddan ynglŷn â'r brydles bresennol.

Trafododd y Cabinet yr adroddiad yn helaeth gyda'r Aelod Arweiniol a'r swyddogion ynglŷn â'r ystiriaethau ariannol, gan gynnwys sut yr oedd y ffigyrau a nodwyd yn yr adroddiad wedi'u deillio ynghyd â'r cyfrifoldebau ariannol ac atebolrwydd y partion dan sylw o dan y brydles bresennol ac wrth symud ymlaen â'r gwerthiant. Trafodwyd rheolaeth ac uchelgais ar gyfer yr ardaloedd a gedwir gan y Gwasanaethau Cefn Gwlad a fyddai'n destun cynigion cyllid i'r Grŵp Buddsoddi Strategol. Nododd y Cabinet fanteision y gwerthiant o ran diogelu dyfodol yr adeilad a sicrhau ei lwyddiant yn y dyfodol gyda buddion i'r economi leol a thwristiaeth ynghyd â chadw ardaloedd ar gyfer mynediad i'r cyhoedd a chyfleoedd yn ymwneud â hynny. O ganlyniad cefnogodd y Cabinet argymhellion yr adroddiad ac fe-

BENDERFYNWYD –

- (a) dylai'r Cyngor werthu'r rhydd-ddaliad yng Ngwesty Castell Bodelwyddan ar delerau a nodwyd yn Atodiad 1 yr adroddiad;*
- (b) dylai'r Cyngor werthu'r rhydd-ddaliad yn y Castell, eiddo Ymddiriedolaeth Castell Bodelwyddan, (ac eithrio tir ar osod ar denantiaeth amaethyddol, y Lodge a thir parc) ar delerau a nodwyd yn Atodiad 1 yr adroddiad;*
- (c) y Cyngor i gadw'r tir parc a maes parcio ynghyd â phrydles 999 mlynedd y coetir a'r ddôl, i ddarparu mynediad i'r cyhoedd dan ofal y Gwasanaethau Cefn Gwlad (ar yr amod bod y Grŵp Buddsoddi Strategol yn cymeradwyo'r cyllid gofynnol i sefydlu a chynnal yr ardal a gedwir gan Gyngor Sir Ddinbych);*
- (d) bod tir sydd ar hyn o bryd ar denantiaeth amaethyddol yn cael ei gadw a'i reoli ar y cyd â thir a ffermydd amaethyddol eraill y Cyngor, a*
- (e) bydd y lodge bychan ar derfyn dwyreiniol y stad yn cael ei gadw gan y Cyngor nes ceir adolygiad o'i ddefnydd.*

Daeth y cyfarfod i ben am 11.10am.